



Broj: 05-50-1-560/13  
Sarajevo, 6.3.2014. godine

**PARLAMENTARNA SKUPŠTINA BiH**

**- Zastupnički dom -**

**SARAJEVO**

BOSNA I HERCEGOVINA  
VIJEĆE MINISTARA  
07-03-2014  
01-50-1-15-62/14

**PREDMET:** Odgovor na zastupničko pitanje – dostavlja se

Vijeće ministara Bosne i Hercegovine, na 85. sjednici održanoj 6.3.2014. godine, utvrdilo je Odgovor na zastupničko pitanje koje je postavio Mato Franjičević, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupniku.

S poštovanjem,

**GENERALNI TAJNIK**  
**Zvonimir Kutleša**





**BOSNA I HERCEGOVINA  
VIJEĆE MINISTARA**

Broj: 05-50-1-560/13  
Sarajevo, 6.3.2014. godine

Mato Franjičević, delegat u Domu naroda Parlamentarne skupštine Bosne i Hercegovine, na 62. sjednici Zastupničkog doma održanoj 23.01.2014 godine, postavio je sljedeće pitanje i podpitanje:

**“Za rješavanje problema u oblasti vodnog gospodarstva Ugovorom između Republike Hrvatske i Bosne i Hercegovine formirana je Komisija za vodoprivrednu saradnju. Je li ovo povjerenstvo u svom dosadašnjem radu imalo u fokusu problematiku vezanu za hidroakumulaciju Buško Blato, odnosno uvjete pod kojim se lokalne vode prikupljene na području općina Livno i Tomislavgrad koriste za proizvodnju električne energije u Republici Hrvatskoj“ i „Ima li Vijeće ministara spoznaju o radu ove Komisije koje je vrlo važno? Radi li ona ili je u međuvremenu prestala sa radom?“**

Na postavljeno pitanje, Vijeće ministara Bosne i Hercegovine je na 85. sjednici održanoj 06.03.2014. godine, utvrdilo sljedeći:

**ODGOVOR**

Komisija za vodoprivredu Bosne i Hercegovine uspostavljena je na osnovu člana 5. Ugovora između Vlade Republike Hrvatske i Vlade Bosne i Hercegovine o uređenju vodoprivrednih odnosa („Službeni glasnik BiH“, broj 6/96). Komisija je uspostavljena radi ostvarivanja ciljeva navedenog ugovora. Komisija je aktivna i jednom godišnje održavaju se zajedničke sjednice. Sastav Komisije za vodoprivredu Bosne i Hercegovine prema Odluci Vijeća ministara („Službeni glasnik BiH“, broj 16/2005) o izmjeni Odluke o imenovanju članova Komisije Bosne i Hercegovine za vodoprivrednu saradnju sa Republikom Hrvatskom je:

- Damir Mrđen; predsjednik, Agencija za vodno područje Jadranskog mora u Mostaru,

- Hazima Hadžović, član, Ministarstvo poljoprivrede, vodoprivrede i šumarstva F BiH pomoćnik ministra i
- Mihajlo Stevanović, član, Ministarstvo poljoprivrede, šumarstva i vodoprivrede RS, pomoćnik ministra.

Dnevni red sastanka dogovaraju predsjednici Komisija u saradnji sa nadležnim institucijama iz oblasti vodoprivrede iz obje države. Komisije Bosne i Hercegovine i Republike Hrvatske do sada na svojim sjednicama nisu razmatrale problematiku vezanu za hidroakumulaciju Buško blato, odnosno uslove pod kojim se lokalne vode prikupljene na području općina Livno i Tomislavgrad koriste za proizvodnju električne energije u HE „Orlovac“ u Republici Hrvatskoj.

U toku je priprema Izvještaja o radu Komisije Bosne i Hercegovine za vodoprivrednu saradnju sa Republikom Hrvatskom. Imajući u vidu važnost rada ove Komisije, potrebno je na sistemski način urediti status imenovanih predstavnika Komisije.

Vode prikupljene na području općina Livno i Tomislavgrad, a koje se koriste za proizvodnju električne energije u Republici Hrvatskoj, se koriste na osnovu slijedećih izdatih dozvola i odobrenja za rad:

- Rješenje – vodoprivredna saglasnost Republičke komisije za vodoprivredu SR Bosne i Hercegovine broj: 03-60-1/67, od 14.06.1967. godine, **za izgradnju HE „Orlovac“ od 237 MW sa zahvatom voda na horizontu Livanjskog polja i Buškog blata, kojim se detaljno propisuju uslovi rada objekata;**
- Rješenje Sektora graditeljstva i stambeno-komunalnog-gospodarstva, Ministarstva prostornog uređenja, graditeljstva i zaštite okoliša, Hrvatske republike Herceg-Bosne, Bosna i Hercegovina ur. broj: 10-V-475-02-8/96, od 06.05.1996. godine, **kojim je dozvoljena upotreba izgrađenih objekata HE „Orlovac“, gornji horizont, na području Bosne i Hercegovine”;**
- Vodna dozvola br. UP/40-1/25-4-134/09, izdana 23.05.2011. godine, od strane Agencije za vodno područje Jadranskog mora u Mostaru.

Važno je napomenuti da kroz postojeće zakonodavstvo u oblasti korištenja prirodnih resursa (koncesija) u BiH nije jasno propisan način tretmana korisnika prirodnih resursa koji su pravo na izgradnju objekata i korištenje prirodnih resursa dobili prije donošenja ovog zakonodavstava.